

Postplatzfast vun Gewarbvorein ~ mir sei aa dorbei!

Am Pfingstsamstich wird unner Postplatz endlich wieder mol richtig festlich wern. Do kenne Gung un Alt, Turistn un alle Gäst siech dortn wieder mol wohl fiehn. Is gibt e schiens bunts Bühnprogramm un bestimmt in ganzn Haufen Budn un annere Sach ringsrim.

Un unner Haamitvorein derf do su en Paviljong in Beschloch namme, net for ewos ze assn wie bei dor Märchnweihnacht, naa, diesmol wolln mir uns ganz aafach emol vürstelln un zeign, wos mir allis esu machen: Aagefange vu de Hutznobnde, Kramser- un Busausfahrtn bis zu Liederobnde ham mir dorwagn aa noch eweng meh ze tu:


Su ham mir im Auftrug unnerer Stadt mit ne Förderaatrog den Bargbaulehrpfod wieder zen Labn dorweckt, un des soll aa noch wetter gieh.

Zen annern ham mir de ehrnamtliche Bastelei vu unnern schenn Wurzl-Rudis ieberrumme, des macht viel Spaß, is aber aa mit jeder Menge Handarbit verbundn.

Un weil des Viele gar net wissn, wolln mir des of den Fast emol aufzeign – un vielleicht kenne mir den enn oder annern for unnern Vorein gewinne, aa gunge Leit wärn ja willkomme...



FAHRDIENST
siehe Seite 7!



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
207

Mitteilungsblatt des
Erzgebirgischen Heimatvereines
Eibenstock e.V.

Juni
2022



Wos mir allis in unnern Eimstock ze bieten ham!

Lusticher Mundartstammtisch



Im Juni ham mir uns ewos
besonnersch mol nooch unnern
Eimstock gehult: in

Mundartstammtisch!

Die Voranstellungsreihe gibt's schu
ne ganze Weil un wird vu unnern
grußn Arzgebirgsvorein immer
wieder mit viel Erfolg dargebutn.
Ausgedacht hat siech des Ganze
emol de Meyer, Dagmar – ne ganz

fleißiche Haamidichterin aus Bernsbach - schu 1995, die aa jahrelang
de Leiting dodorzu iebernumme hat. Numeh seit 2011 wurd dar
Stammtisch vun Zweigvorei Zwicke mitn Matthias Fritsch wetter
geführt.

Des is dor Leiter vun „Arbitskreis arzgebirgscher Mundartautorn“.
Do traffn siech e paar gestandne Arzgebirger, die siech einiche Zeiln
ausgedacht ham, als Gedicht, Liedle oder kurze lustiche Episodle. Die
warn dortn vu däne dargebutn. Zwischndrinne warn aa e paar bekannte
Arzgebirgsliedle gesunge, wu alle mit eistimme kenne. Of jedn Fall is do
e ganz lusticher schiener Obnd aagesaat, den mor net vorpassn söllt.
E wos ze schnapulliern werds aa gabn!



Unner Haamitvorein will do
aa eweng mitmischn. Des
Ganze söll im Q-Stall in
unnern Gewarbgebiet statt-
findn un dodorzu wolln mir
net när unnere Mitglieder,
sonnern aa alle Eimstocker
un de ringsrim Eigemeindn
ganz harzlich mit eilodn.
Namt eich emol die Zeit –
ihr wards ganz bestimmt
net bereie!

Soochts alln wetter, bringt eire Freinde mit, dor Eitritt kost bei uns
nisch, dar is fei frei!

Wir gratulieren unseren Heimatfreunden

Christine Baumgärtel	am 02.06.	zum 73. Geburtstag
Johannes Punk	am 09.06.	zum 90. Geburtstag
Ralf Möckel	am 22.06.	zum 57. Geburtstag
Lieselotte Heymann	am 25.06.	zum 90. Geburtstag



Als neues Vereinsmitglied begrüßen wir: Monika Gläser - Oelsner

Wer all seine Zeit
mit Jammern und Klagen verbringt,
hat keine mehr übrig,
um etwas zu ändern.

- Lilli U. Krefner -

Demnächst in unnern Vorein:

Mir genne zen
Bargbaulehrpfod

Mir traffn uns
am Donnerstich,
9. Juni, 17.00 Uhr,
am Parkplatz zum
Bargbaulehrpfod
anschl. Treff im
Feldschlössl bein Rüff

Wer noch mitgieh will zum
Pfod, sollt siech bis zen 7.6. im
Museum (Tel. 2141) maldn.

Wer när zen Rüff komme will,
kaa siech gern um 18.00 Uhr
dort mit eifinden.

Bitte aber aa unbedingt im
Museum aameeldn!

Mir ham genuch PKWs,
de Fahrer bekomme vu
uns ne Mittalung,
wen se mitnamme sölln,
un de Fahrer maldn siech
dann bei eich,
wer wen un wann zen
Bargbaulehrpfod fährt!

Lustiger
Mundartstammtisch
am Donnerstag,
16. Juni, 18.00 Uhr
im Q-Stall
mit Liedern und
Gedichten

Dor Sauerkraut - Alb

Dor Alb, des war e richtscher Gust
dar hat su seine Eier.
Zen Assn hat dar immer Lust,
do war den nicht ze teier.

Vor alln racht gutis Sauerkraut
Des tat dar fei gern assn.
Do hat dar tichtich neigehaut,
dodrauf war dar besassn.

Un freecht sei Fraa, wos mach mor heit,
do guckt dar huch un bläkt ganz laut:
„Mach Ardäppln un Wurscht dorzu
un racht viel Sauerkraut!“

Nu hatt dor Alb mol Appetit
of Brotwurscht un Sauerkraut,
do hatts sei Fraa aagericht,
su e alte, gute Haut.

Un jede Woch, gahraus, gahrei
mußt Sauerkraut ofn Tisch.
Is gob fei net mol Spiechlei,
un glei gar net ebber Fisch!

Dor Alb war richtig tärrit wurn,
nicht annersch hat dar im Kopp,
dar wollt nār dauernd Sauerkraut
un guckt egal nein Topp.

„Här auf!“, ruft sei Fraa ärcherlich,
„iech kaa des ball nimmer härn,
du ißt ja nār noch Sauerkraut
mit klaageraraschplte Mährn!“

Do war dor Alb glei eigeschnappt
un tat aa nimmer redn.
Kaa assn hat ne meh geschmeckt
un Ruh war zwischn Beedn.

Sei Fraa war dorvu net dorbaut,
se kunnt aa nimmer lachn.
Ab morgn gibt's wieder Sauerkraut
wos wollt se wetter machn.

Dor Alb war wieder gut gelaunt
un konnt sei Glück net fassn.
Sei Weib kocht wieder zwee-dreimol
viel Sauerkraut zen Assn!

von Dagmar Meyer, Bernsbach



*Des kricht dor Alb net!
Un die annern 3 Gläse
aa net!*

*Des assn mir selber,
des hat nämlich mei Fraa
extra for uns selberst
gemacht un eigeweckt
- un des schmeckt guut,
kaa ie ch eich sogn!*


Eisteign un Mitfahrn nooch Bautzen!



Esu werds haaßn an 3. September!

Do wolln mir mit de Lang-Reisen aus Schwarznburg unnerwegs sei
bis nooch Bautzen un den saahnswertn Kloster Marienstern!

Ablauf:	06.30 Uhr	Abfahrt Eibenstock
	09.30 Uhr	Ankunft Bautzen mit Stadtrundfahrt Besuch des Senfmuseums
	11.30 Uhr	Mittagessen 3-Gang-Menü in der Senfstube
	13.00 Uhr	Weiterfahrt zum Kloster Marienstern
	13.45 Uhr	Führung durch die Klosteranlage und Schatzkammer
	15.15 Uhr	Kaffeetrinken
	16.30 Uhr	Rückfahrt
	19.30 Uhr	Ankunft in Eibenstock



Um die Fahrt gut vür-
bereitn ze kenne, isis
ubedingt nutwendich,
des ihr eich bei Teilnahme
rachtzeitich bis zum
15. Juli 2022 im Museum
(Tel. 2141) aamaldn müßt.
Bitte den Termin ubedingt
eihalt'n!

Allis spielt un freit siech!



Do war e Labn in dor Bud, kaa iech eich sogn! An jedn Tisch gings huch har, de Kartn sei nauhn Tisch gedroschn, de Mannle sei nār esu ausn Spielfald nausgeschmissn wurn! Nu ja, des war itze bissl iebertriebn, is Spieln hat aafach wieder emol Spaß gemacht!



„Guck net esu nei mei Kart, des kaa iech gar net leidn!“

„War hat dä die Kartn nār esu bleed gemischt? Do kaa mor doch net gewinne!“



18 – 20 – zwee`e! Wer hat meh ze bietn? Vier straffe Schkator hattn mir aa in unnerer Mitt, die ham allis naufern Zettl geschriebn, des war ihre Buchfiehing. War zeletzt gewunne hat, kaa iech gar net sogn, iech muß bei de Mensch-Ärcher-Leit aufpassn, des net geschummlt ward.



Aber is allerschennste vun ganzn Spielobnd war: is erschte mol seit ewicher Zeit kam e gungs Maadl ze uns un wollt mietmachn - aafach su. Ihr tät unner Sach gefallen, des hat se auf unnerer Inner-netseit allis gelaasn – un se tät gern wiederkumme!

Mir warn in erscht Moment eweng sprochlos – un des kimmt net su oft vür! Dann ham mir uns allezam gefreit, des is suwos noch gibt: e gungs Maadl in unnerer Mitt! Wenn se zur Stang hält un dann vielleicht noch e paar sölche Gingere in Wag ze uns findn, des wär nār ze winschn!



„Wenn ihr miech noch emol rausschmeißt, do kennt ihr aber wos dorlabn – des kaa iech eich sogn!“